

李香巖手批



四川大學出版社

紀文達公評本

蘇文忠公詩集

玖

四川大學出版社

蘇文忠公詩集卷三十一

古今體詩四十九首

次韻劉貢父春日賜幡勝

句句生湊

老韶亦生湊不妥

寬詔隨春出內朝、三軍喜氣挾狐貂、鏤銀錯落翻斜月、  
剪綵繽紛舞慶霄、臘雪強飛纔到地、自注前一曉風偷日微雪  
轉不驚條脫冠、徑醉應歸臥便腹、從人笑老韶、自注是日幕次  
賜酒

再和

與君流落偶還朝、過眼紛紛七葉貂、莫笑華顛羞采勝、  
幾人黃壤隔青霄、行吟未許窮騷雅、坐嘯猶能出教條、

三四真語

春韶亦不妥

此韶字亦不妥

記取明年江上郡、五更春枕夢春韶。

葉公秉王仲至見和次韻答之

衫絺方暑亦堪朝、歲晚淒風憶阜貂。  
共喜鵲鸞歸禁籞、心知日月在重霄。  
君如老驥初遭絡、我似枯桑不受條。  
強鑷霜須簪彩勝、蒼顏得酒尙能韶。

再和

衰遲何幸得同朝、溫勁如君合珥貂。  
誰惜異才蒙徑寸、自慚枯枿借凌霄。  
光風泛泛初浮水、紅糝離離欲綴條。  
後日一尊何處共、奉常端冕作咸韶。

。和王晉卿送梅花次韻

目說自話題目只  
借作映發蹊徑甚  
別

東坡先生未歸時。自種來禽與青李。五年不踏江頭路。  
夢逐東風泛蘋芷。江梅山杏爲誰容。獨笑依依臨野水。  
此間風物君未識。花浪翻天雪相激。明年我復在江湖。  
知君對花三歎息。

次韻王晉卿惠花栽栽所寓張退傅第中

坐來念念失前人。共向空中寓一塵。若問此花誰是主。  
天教閒客管青春。

次韻王晉卿上元侍宴端門

月上九門開。星河繞露臺。君方枕中夢。我亦化人來。光  
動仙毬縋。香餘步輦回。相從穿萬馬。衰病若爲陪。



王鄭州挽詞

羨君華髮起琳宮、右輔初還鼓角雄、千里農桑歌子產、  
一時冠蓋慕蕭嵩、那知聚散春糧外、便有悲歡過隙中、  
京兆同僚幾人在、猶思對案筆生風、

自注予爲開封府幕與子難同廳

書王定國所藏王晉卿畫著色山二首

白髮四老人、何曾在商顏、煩君紙上影、照我胸中山、  
山中亦何有、木老土石頑、正賴天日光、澗谷紛爛斑、  
我心空無物、斯文何足關、君看古井水、萬象自往還、

君歸嶺北初逢雪、我亦江南五見春、寄語風流王武子、

三人俱是識山人、

厚  
意境深微氣亦渾

呈定國

舊病應逢醫口藥、新粧漸畫入時眉、信知詩是窮人物、  
近覺王郎不作詩、

寄傲軒

先生英妙年。一掃千兔禿。仕進固有餘。不肯踐場屋。通  
闌何所傲。傲名非傲俗。定知軒冕中。享榮不償辱。豈無  
自安計。得失猶轉轂。先生獨揚揚。憂患莫能瀆。得如虎  
挾乙。失若龜藏六。茅簷聊寄寓。俯仰亦自足。東坡無邊  
春。方寸盡藏蓄。醉哦旁若無。獨脩一尊醪。牀頭車馬道。  
殘月挂疎木。朝客紛擾時。先生睡方熟。

剽而不畱

送呂昌朝知嘉州

不羨三刀夢蜀都、聊將八詠繼東吳、臥看古佛凌雲閣、  
敕賜詩人明月湖、得句會應緣竹鶴、思歸寧復爲蓴鱸、  
橫空好在修眉色、頭白猶堪乞左符、

次韻黃魯直寄題郭明父府推潁州西齋二首

樹頭啄木常疑客、客去而嗔定不然、脫轄已應生井沫、  
解衣聊復起庖煙、平生詩酒真相污、此去文書恐獨賢、  
早晚西湖映華髮、小舟翻動水中天、

寂寞東京月旦州、德星無復綴珠旒、莫嗟平輿空神物、  
尙有西齋接勝流、春夢屢尋湖十頃、家書新報橘千頭、



用經如京字腐

雪堂亦有思歸曲、爲謝平生馬少游、

次韻秦少章和錢蒙仲

碧畦黃隴稻如京、歲美人和易得情、鑑裏移舟天外思、  
地中鳴角古來聲、山圍故國城空在、潮打西陵意未平、  
二子有如雙白鷺、隔江相照雪衣明、

次韻錢越州

髯尹超然定逸羣、南遊端爲訪雲門、謫仙歸侍玉皇案、  
老鶴來乘刺史轡、已覺簿書哀老子、故知籩豆有司存、  
年來齒頰生荆棘、習氣因君又一言、

同秦仲二子雨中遊寶山

查云三句謂錢四  
句自謂

語意脫洒然非經  
意之筆

平明已報百吏散。半日來陪二子閒。立鵲低昂煙雨裏。  
行人出沒樹林間。

去杭州十五年復遊西湖用歐陽察判韻

我識南屏金鯽魚。重來拊檻散齋餘。還從舊社得心印。  
似省前生覓手書。葑合平湖久蕪沒。人經豐歲尙凋疎。  
誰憐寂寞高常侍。老去狂歌憶孟諸。

與莫同年雨中飲湖上

到處相逢是偶然。夢中相對各華顛。還來一醉西湖雨。  
不見跳珠十五年。

送子由使契丹

子由本翰林而東坡在杭州二句清切結用事亦好

雲海相望寄此身。那因遠適更沾巾。不辭驛騎凌風雪。要使天驕識鳳麟。沙漠回看清禁月。湖山應夢武林春。單于若問君家世。莫道中朝第一人。

次韻答劉景文左藏

自注有美堂燕集景文有詩

我老詩壇仆鼓旗。借君佳句發良時。但空賀監杯中物。莫示孫郎帳下兒。夜燭催詩金燼落。秋芳壓帽露華滋。故應好語如爬癢。有味難名只自知。

坐上復借韻送岢嵐軍通判葉朝奉

雲間踏白看纏旗。莫忘西湖把酒時。夢裏吳山連越嶠。尊前羌婦雜胡兒。夕烽過後人初醉。春雁來時雪未滋。

爲問從軍真樂不書來粗遣故人知

始於文登海上得白石數升如芡實可作枕聞梅

丈嗜石故以遺其子子明學士子明有詩次其

韻

色難句腐

海隅荒怪有誰珍零落珊瑚泣季倫法供坐令微物重  
自注軾舊有怪石供色難歸致孝心純只疑薏苡來交趾未信蠙  
珠出泗濱願子聚爲江夏枕不勞揮扇自寧親

次韻錢越州見寄

莫將牛弩射羊羣臥治何妨晝掩門稍喜使君無疾病  
時因送客見車幡搔頭白髮秋無數閉眼丹田夜自存



結二句太激

筆筆奇警不覺題  
之瑣碎

欲息波瀾須引去、吾儕豈獨坐多言、

○文登蓬萊閣下石壁千丈爲海浪所戰時有碎裂  
淘灑歲久皆圓熟可愛主人謂此彈子渦也取

數百枚以養石菖蒲且作詩遺垂慈堂老人

蓬萊海上峯玉立色不改孤根捍滔天雲骨有破碎陽

精采煥發

侯殺廉角陰火發光彩纍纍彈丸間瑣細成珠琲閣浮

一漚耳真妄果安在我持此石歸袖中有東海垂慈老  
人眼俯仰了大塊置之盆盎中日與山海對明年菖蒲  
根連絡不可解倘有蟠桃生旦暮猶可待

次韻毛滂法曹感雨



爲韻所牽不免支  
湊

去其數則端字無著

江南佳公子遺我錦繡端攬之溫如春公子焉得寒興  
雨自有時膚寸便濛濛斂藏以自潤牛斗何足干空庭  
月與影強結三友歡我豈不足歟要此清團團欲歡在  
一醉常恐尊中乾捨酒尚可樂明珠如彈丸但恐千仞  
雀恩恩發虛彈迨子閒暇時種子田中丹一朝涉世故  
空腹容欺謾我頃在東坡秋菊爲夕餐永媿坡間人布  
褐爲我完雪堂初覆瓦上簞無下莞時時亦設客每醉  
筒輒殫一笑便傾倒五年得輕安公子豈我徒衣鉢傳  
一簞定非郊與島筆勢江河寬悲吟古寺中穿帷雪漫  
漫他年記此味芋火對嬾殘

牽扯成篇殊勉強  
少味

# 送鄧宗古還鄉

廣漢有姜子孝弟行里閭赤眉雖豺虎弛兵過其墟至  
今空清泉無復雙鯉魚南鄭有李邵妙得甘公書夜坐  
指流星驚倒兩使車抱關不肯仕布褐蒙璠璣西南固  
多士君得二子餘凜凜忠文公搜士及樵漁澗溪有幽  
討蘋芷真嘉蔬歲晚終不食心惻當何如

參寥上人初得智果院會者十六人分韻賦詩  
得心字

漲水返舊壑飛雲思故岑念君忘家客亦有懷歸心三  
間得幽寂數步藏清深攢金盧橘塢散火楊梅林茶筍

起二句全襲左思  
而意則迥別

盡禪味松杉眞法音、雲崖有淺井、玉醴常半尋、遂名參  
寥泉、可濯幽人襟、相攜橫嶺上、未覺衰年侵、一眼吞江  
湖、萬象涵古今、願君更小築、歲晚解我簪、

哭王子立次兒子迨韻三首

三詩趁韻而成殊  
乏警策

彭城初識子、照眼白而長、異夢成先兆、

自注余爲密州  
子立未嘗相識

忽告同舍生曰吾夢爲密州壻  
何也已而果以子由之子妻之

清言得未嘗、豈惟知禮

意、遂欲補詩亡、

自注子立能  
詩而有禮學

咄咄真相逼、諸生敢雁行、

非無伯鸞志、獨有子雲悲、恨子非天合、猶能使我思、兒

曹莫悽慟、老眼欲枯萎、會哭皆豪傑、

自注子立與黃魯  
直張文潛晷无咎

秦少游陳無  
已皆友善

誰爲感舊詩、

眼枯字本杜詩萎  
字却是湊韻有淚  
方可言枯非花安  
得曰萎

香山一派

龍困嘗魚服、羊儼或虎蒙、恩恩成鬼錄、憤憤到天公、偶落藩牆上、同遊羿彀中、回看十年事、黃葉卷秋風、

異鵲

熙寧中柯侯仲常通守漳州以救饑得民有二鵲棲其廳事訖侯之去鵲亦送之漳人異焉爲賦此詩  
昔我先君子仁孝行於家家有五畝園、  
鳳集桐花是時烏與鵲、巢穀可俯拏、  
憶我與諸兒、飼食觀羣呀、  
里人驚瑞異、野老笑而嗟、  
云此方乳哺、甚畏鳶與蛇、  
手足之所及、二物不敢加、  
主人若可信、衆鳥不我遐、  
故知中孚化、可及魚與豸、  
柯侯古循吏、惻惻真無華、  
臨漳所全活、